

Compostela Medieval



COMPOSTELA MEDIEVAL é un programa aberto a todos os centros de ensino de Compostela que se desenvolveu do 26 de outubro ao 13 de novembro. Céntrase nesta etapa histórica na que Compostela acada a súa madurez, social, económica, institucional e cultural da man dun poderoso episcopado e dunha rebelde burguesía. Principia cunha visita guiada e participativa de dúas horas e media de duración pola Cidade histórica. Durante o percorrido descubrían como era a cidade e como vivían os seus habitantes na Idade Media.

No decurso desta visita guiada, os participantes asistirán a escenificacións de personaxes e situacións históricas e, para iso empregaranse documentos adaptados procedentes do Libro do Concello de Santiago (1416-1422) conservado no Arquivo Universitario como por exemplo o Documento do xuramento de dous alcaldes ou xuíces no mosteiro de San Paio de Antealtares; o Pregón coas medidas e prezos dos produtos dos mercados segundo as ordenanzas do concello; ou a Orde do concello de pechar as portas da muralla.

Nesta visita guiada os rapaces percorreron, entre outros, os seguintes lugares:

- Porta do Camiño. É a principal porta de entrada á cidade de peregrinos e mercadorías. Coñeceremos as funcións da muralla e das portas.
- Rúa Entremuros. Veremos un lenzo conservado da muralla.
- Algalia de Abaixo (nome medieval: Algara de Fondo).
- Praza de Cervantes (Praza do Campo). Era a praza comercial máis importante na Idade Media.
- Praza da Inmaculada (Praza do Paraíso). Era a porta da catedral por onde entraban os peregrinos.
- Praza do Obradoiro. Diante do pazo de Xelmírez falaremos sobre o señorío da cidade e o continuo enfrentamento entre este e os cidadáns e cidadás representados polo concello.
- Praterías (praza dos Ourives). Nesta praza estaban as tendas dos ourives (os prateiros) e os postos do peixe (o de peixeira era un oficio de muller).
- Praza da Quintana. Foi un cemiterio de clérigos e persoas importantes da cidade e a praza pública principal da cidade nos s. XIV e XV.
- Rúa Nova. Veremos a igrexa medieval de Santa María Salomé e dous exemplos de casas medievais con soportais.
- Praza e porta de Mazarelos. Pola porta entraban os peregrinos da Vía da Prata e diferentes mercadorías como cereais de Castela e viño do Ulla e do Ribeiro.

O día 19 de novembro, fumos os nenos de 5º B e C de Primaria do Colexio Pío XII cunha monitora a coñecer historias relacionadas con Santiago Medieval.

Partimos a pé, dende a Porta do Camiño, percorrendo a antiga muralla, rematando na Porta Faxeira.

Na visita tamén fixemos pequenas obras de teatro, entramos na Catedral e pudemos ver unha copia exacta do libro de Santiago chamado O Códice Calixtino. Nel recollense datos, informacións e xuízos de valor, que foron moi importantes para poder descubrir lendas relacionadas con Santiago.

Unha das cousas más importantes é a muralla medieval, que tiña sete portas das que só se conserva unha. Esta servía para protexer a cidade e para separala do campo. Nas portas controlábanse as mercadorías que entraban e servía, ademais, para cobrar os impostos por pasar por elas. Tamén protexían as persoas de enfermidades contaxiosas como a peste negra, que podían traer os peregrinos cando chegaban a Santiago despois de facer O Camiño.




SARA. 5ºB

Paseino moi ben e sobre todo....aprendín moitas cousas!

Biblioteca Anxel Casal

2º



O día 14 de outubro, os tres segundos fomos visitar a Biblioteca Pública de Santiago.

É un edificio grande, cunha parede toda de cristal e así pódese ver o Monte Pedroso desde dentro da biblioteca.

A monitora que nos atendeu a nós chamábbase Ángeles e contounos que Ánxel Casal fora alcalde de Santiago e tamén imprimía libros, e que o mataran porque pensaba diferente a xente que mandaba naquel momento.

Ao primeiro, as dúas monitoras leváronnos por toda a Biblioteca, subimos polas escadarias e visitamos as tres plantas. Só podíamos falar na primeira planta, que é a que ten os libros para nós, porque nas outras estaba xente traballando ou lendo.

Acabamos o percorrido por toda a Biblioteca e paramos na primeira. Hai ceeentos de libros! De contos, de dragóns, de fútbol, do espazo,... películas, revistas, xogos,... Un dos libros que vimos tiña na portada a cara dun neno que estaba comendo un xeado e a lingua saíalle para fóra. Se a tocabas, era moi noxento!

Outros libros que nos gustaron moito foron os que estaban en 3D, poñas as gafas e os insectos parecían de verdade. Tamén atopamos un libro de xadrez e podías botar unha partida, outro tiña dentro un dinosauro enorme,... libros, libros marabillosos.

Había unha sala especial para nenos e nenas pequenos con libros apropiados para eles. Pegados as ventás, uns ordenadores que che indican o lugar onde está o libro que ti queres

Antes de marchar, Ángeles deulle á profe uns papeis por se queríamos facernos socios da Biblioteca e así poder levar libros á casa.

Ao acabar a visita, saímos e esperamos un pouco polo autobús para xa volver ao cole.

Gostounos moito.